

[Augsburg], 9. Oktober 1557

An Martin Borrhaus

Staatsarchiv Basel, Kirchenarchiv Q 1.1, fol. 1r-v.

Reuerendo viro, excellenti doctrina et pietate praestanti, Martino Borrhao Cellario, sacrae Theologiae Doctori. Domino et amico suo colendo. Basel.

S. P. D. Tam liberalem culpae meae patronum te esse, qui accusator esse poteras, Reuerende vir, vt mea quoque causa Xylandrum nostrum benevolentia prosequaris: est mihi sanè gratissimum. Nam quòd te Zonarae nugas legisse significas, vereor ne ῥητορικώτερον sit, ἢ ἀληθέστερον. Tuas quidem eruditiss[imas] lucubrationes maximi facio, vt debeo, (Nescio enim quem peculiarem genium habere mihi videntur, meo genio (si quis est) amicissimum) atque vtinam plus ocij ad perpendenda omnia diligentius, suppeteret. ἀλλ' ὡς δυνάμεθα. Et si diutius vixeris, fortassis erit, vt curem valetudinem animi non minus quam corporis. ιατρὸς δὲ τῶν τε τῆς ψυχῆς καὶ τοῦ σώματος παθῶν ἄριστος ἔσται ὁ θεός. Qui te Reipublicae literariae causa, cui doctiss[imis] scriptis plurimum inseruire potes, quam diutiss[ime] incolumem conseruet. Vale. 7 idus Octobris 1557.

Hiero[nymus] Wolfius  
tui studiosiss[imus].